



TONGTEPRATEP

A MONTHLY BULLETIN OF DIMAPUR AO BAPTIST AROGO • MAY 2022 • DIMAPUR • VOL-VI • ISSUE 2 • 8 PAGES

WOMEN MINISTRY *Osang*

DABA Women Ministry mapang tatsüka tsüngta nung Mothers School aliba osang tatsü yamai lemsateper.

Sl. No.	Anogo	Arogo	Tatenertem
1.	28 th - 31 st March 2022	DABA	27
2.	4 th - 7 th April 2022	DABA	35
3.	21 st - 24 th April 2022	Khensa	35
4.	2 nd - 5 th May 2022	DABA	44
5.	12 th - 15 th May 2022	Tuli Town	62

Tsüngremer sentong nung anema lira asen Arogo nung June ita tatemlen agitsü sarasadema renemdagi.



Duranno Mothers School 2nd Batch



Duranno Mothers School 3rd Batch



Duranno Mothers School (Khensa) 4th Batch



Duranno Mothers School 5th Batch

DURANNO FATHER SCHOOL *Osang*

Tsüngrem taochi agi Duranno Fathers School DABA taküm batch asem tashi takok tulu ngua agiogo. Itemji yamai lir:

- 25-29th April 2022, asen arogo nung parnok 34 tashi tena graduate asü.
- 12-15th May 2022, Akumen Baptist Arogo nung ABAM aser DABA longjemer Fathers School agi, aser tebutem parnok 35 graduate asü.
- 19-22nd May 2022, Police Baptist Church 6th NAP Bn. Tizit, nung tebutem parnok ajak agi 81 tashi tena temoatsü ngua graduate süogo.

Ano küm tsüngta asen Arogo nung Nagamese agi ken aser Ao nung ken ta agitsü; aser tanga Arogo nung asem ben agitsü renema lir. Anungji, shirnoksa Fathers School nung mateni lir, atentsü asoshi sarasadema lidaktsüner, aser iba ministry asoshi arogopur ajaki maneni sarasademjangma.



Duranno Fathers School DABA 58th Batch



Akumen Arogo 59th Batch



Police Baptist Church 6th NAP Bn. Tizit 60th Batch

EDITORIAL

-- LIMA AKUM LONGCHAR --

Kibong temeim (Family Love) agi Khristan kibong yangerdaktsür aser tejakleni temoatsü nung anir. Kibong temeimi Khristan kibong wazüka kümzüka yutsür; iba temeim aliba yong yimya liro aser tangatetba tamajung kibong telongi maitdaktsür. Kibong raksatsütsüsa mesüra kibong anakshitsüsa kecha temenen kibong telongi maitdaktsür.

Khristan kibong ka nungji yimya jakla liro, shisatsü aser tangatetba balala züngsem shia dak alitsü; tebilemtsü khuretttem jenti ajurutsü saka kibong temeim akanga aliba yong item ajak kokteter.

Kibong temeimi talangka aremzüker, taochi sayur (cf. 1 Kor. 13:4) aser tatok agütsüteter; iba jagi Khristan kibong tali dang yangerdaktsür, tejakleni anir aser süngjang tajung adokdaktsür. Khristan kibong telungjem aser temeim mokonga kümdaktsüba sobaliba aser tangatetba jenti agi tanü asen lima süngogo.

Asenok ajaki maneni kibong temeim akanga yanglutsü merangdi. Aser asenok ajaki ibai temolung nung yudi: kibong temeim akanga yanglutsüba ya *full-time effort* lir. Ken merangdanger toktsütsüba masü saka tatem tashi iba temeim ya benshitsüla aser sayutsüla.

Temoatsü tulutiba rongnung kibong temeim ya ka lir, anungji kibong züngsem shia iba temeim ya yangerdakja temoatsü nung kibong anitsü merangdi.

●● AROGO TOKLANG TENZÜKER MELENSHIBA *Osang*

Mapa Nungi Anenba:

Asen arogo Driver Mr. Imkonglemba, Longsa yimtsüng nungi 1st August 2006 nungi inyaka arur 30th April 2022, anogo nung temang manemba agi toklang tenzükba nungi anenogo. Asen tenzükker taküm den pa kinüngtsü Mrs. Alemzüngla aser jabaso asem Mr. Süngjemkaba Longkümer, Mr. Taliaküm Longkümer aser Mr. Takotoshi Longkümer asoshi arogopur ajaki sarasadem nung maneni yaritsü mepishir.

9th May 2022, 8:30 a.m., nung Mr. & Mrs. Imkong, Driver kidang oa tepila aser tenüngsang agütsüba sentong agiba noksatem



Mapa Nung Aniokba:

Asen arogo nung Driver inyaktsü Mr. L. Temjenwapang S/o Mr. Longratuba Longkümer, Akhoya yimtsüng nungi shimogo. Asen tenzükker taküm aser pa wadang den kinüngtsü Mrs. Rosemary aser jala Sünepienla atema arogopur ajaki sarasadem nung nungita yaritsü maneni mepishir.



MUSIC MINISTRY *Osang*

Tang aruya aliba 29th May 2022, nikongdang 3 ako nung Lanur Inti Tekülem sentep Music Ministry DABA Ola-i bendanga agitsü. Ibai “Kotaker Kensü” omen nung ajemdaker worship concert alitsü. Lanurtem dang masü saka Arogopur ajak iba sentong nung arua adentsü sangdonger.

Choir Master aser kinungtsürtem Refresher Course agiba osang:

- Among Longkümer, Choir Master, Duncan Fellowship: DABA.

Amangbapurtem ajak dangi Yisu Khrista temeim salem abener.

DABA Music Ministry Choir Master aser Kinungtsürtem atema Refreshers Course ka 29th April - 1st May Shillong nung temoatsü ngua agia liasü. Music Director den Choir Master 6 aser Kinungtsürtem 4 iba sentong nung aden.

Rev. Dr. Meyu Changkiri, Pastor Ao Baptist Arogo Shillong ajanga Choir Master-tem den Tenzükba wadang nung noktak dang temoatsü angubattem aser koma Tsüngrem tenzükba nung shilem tajung agia, nüburtem den ken aniba ajanga tali Tsüngrem dangi anir arutsü, iba indang ajungshia liasü.

Mr. Delie ajanga Choir Master ka Arogo nung shilem koma agitsü, choir member-tem den kechi yimya nung tenzüksü aser tensa tia balala ajurudang lokdi anir aotsü indang nung tesayuba tajung agüja liasü.

Kasa Anogo nung Mrs. Achala ajanga kinungtsürtem den “Tenzüker kinungtsü kaji koma alitsü aser inyaksü” iba nung ajemdaker ayongzük.

30th April (Saturday) nü Shillong temeküt nung tesemtem kar repranga liasü.

1st May (NMM Sunday), Ao Baptist Arogo Shillong nung Devotional sentep bendanga agia liasü. Choir Master-temi Praise & Worship ani aser parnok Arogo nung tebor kentener telok TEMOLUNG TEMBAR den külemi ken ka aten. Mr. Talimeren, DABA Music Director ajanga Tsüngrem osang bena ajak temoatsü ngua liasü.

1st May nikongdang, Lydia Hall Silver Jubilee nüngtem Concert ka ayongzükba nung, ken ka atenba ajanga shilem agia liasü.



AO BAPTIST CHURCH SHILLONG



Amangbapurtem ajaki sarasadem nung yariba ajanga onok ajak kanga temoatsü ngua sentongtem ajak takok nung agiba osang amangbapurtem den lemsateper. Tsüngremi moajang!

Mr. Impangkokba, Yimjenkimong, Yongküm Fellowship nung Choir Master April 2022 nungi tenzuka inyakdagi. Pa aser par kibong asoshi Arogopur ajaki sarasademsüdi.



DABA MISSION MINISTRY: IDU MISHMI *Isang*

Rev. K. Intiwati Jamir, Field Director

Khrista temeim salem arogopur ajak dangi abener. Nenok tamang sarasadem teyari langzua Tsüngremi tanü tashi ozü kibong nung aser wadang nung mekoktetsü kecha timtim majurui arudagi, nenok ajak dang kanga pelar aser talisa Teyanglur Tsüngrem tenüng asanger.

Taküm küm Omen: "Putepshiba Küm" (Year of Reconciliation). Iba omen nung ajemdaker inyaka aruba tatsü agi yamai lemsateper.

13th Feb: Mungdang lenirtem aser Evangelists aser Pastor den taküm küm omen nung ajemdaker takok nung inyaka aotsü lemsatepba den tesayuba agütsüba sentong agia liasü.



16th Feb: Evangelists den omen nung ajemdaker taküm küm Evangelism inyaka aotsü tesayuba agüja liasü.



21st Feb: Late Mr. Mewa 1st death anniversary sentong Maselo yim nung agia liasü.

Arogo pezü tashi nung Omen teratet aser tesayuba agüja arur.

Reprangshiba sentong (Retreat) omen nungi ayongzüka Arzoo Arogo nung 11th - 13th March agia

liasü. O jembir, Mr. Supongmar, Evangelist, Masi Migri, Women Evangelist. Tenati omen teratet den tesayuba tajung agüja sentong takok aser temoatsü nung agiogo.



With Nanis



With Speakers

Taküm 2021-2022 Anzoru hostel nung kaketshirtem ajak aki 17 lir aser tanü tashi asenok amangbapurtem ajak tamang sarasadem ajanga Tsüngremer taochi agi anir arudar. Tang parnok final exam tagidak lir ajaki sarasadem nung yaritsü ayongzüker.

Nütsüng terenlok: Tang tashi taküm küm nütsüng tasen pungo tashi moatsüogo.



Iba ocet azünger ajak Tsüngremi moajang.

CONSTRUCTION PHOTOS



YOUTH MINISTRY *Osang*

DABA Youth Ministry-i inyakba sentongtem kar tatsü agi yamai lemsateper:

March ita agibatem:

5th : Delhi Ao Baptist Church lanur Virtual Sentep nung Mr. Jongshimanen, Youth Director-i Tsüngrem O jembli.

11th : 1st Teintet Lanur Senden, Nokpangla Park, Aoyimkum nung agia liasü.

17th : Mokokchung district nungi Dreams & Chaos Season 2 nung shilem agirtem den tenüngsang agütsüba sentong agia liasü.

25th : DABA YM Ex-Officers Vs 2022 Lenirtem den Sports Ministry, Football match asaya liasü aser Youth Ministry indang Jersey meshiteta saya liasü.

27th : Inti Sentep nung Mrs. Imtjungla Longchar-i Tsüngrem O jembia liasü.

April ita agibatem:

1-3rd : P&W Consultation, Theme: Gloria in Excelsis Deo, Resource persons: Mr. Joseph Lkr., Mr. Imli Amri, Mr. Tulu Lkr. arua YOC Aoyimti nung agia liasü. Fellowship ajak nungi lanurtem 68 dena liasü.

4-8th : Asso. Pastor Youth 3rs Training: “Retreat, reload, renew” omen nung ajemdaker ABAMYM-i ayongzükba asen Youth Director Mr. Jongshimanen-i “Spirituality of Entrepreneurship: Towards Cultivation and Implementation” nung session ka agia liasü.

8-9th : DABA YM Merali Fellowship Annual Sports “Soli Deo Gloria”, Dmp. Govt. College Ground nung agia liasü.

9th : DABA YM Signal Fellowship Skill Development and Self-Reliance Training: Baking and Mushroom farming agi.

10th : DABA YM Town Fellowship Inaugural programme of “Love Myself” movement agi.

23-24th : Cadet Fiesta, Theme: “Silver Cord of Life” Ecc. 12:6 nung ajemdaker agia liasü. Cadet lanurtem 360 shi dena liasü.

May ita nung agiba kar:

3rd : DABAYM Sümedem Fellowship nung Yongsen Mapa Angazükba sentong ka agia liasü. Kasa anogo

nung Duncan Fellowship nung 3 buba Kongrular Saisabongmung munga liasü.

6-7th : Teintet Lanur Asentenshi, Omen: “Talubo Taküm” Isaia 55:1-9, nung ajemdaker Züin Ki, DABA Duncan nung agi. Shisa agütsür: Rev. Dr. Wati Aier, aser Prof. Imchayanger liasü. Teintet Lanur 200 shi aden.




Youth Evangelists Morning prayer

DATED: 23RD APRIL, SATURDAY 2022

APBF CONVERSATIONS WITH ERWIN CABALANG

- Kikameren Longchar



The virtual event started with a prayer.

Vee Tetseo led the event and questions were raised upon the event speaker where they shared their experiences relating to the film.

The speaker also spoke about his field area. Members present also asked various questions.

I also learnt how to be in the field of film making as a Christian as his sharing was mostly based on this area. The event ended with a virtual photo capture and a prayer.



Rev. Dr. W. Along Jamir,
Director, Translation,
The Bible Society of India,
ajanga Ao Audio Bible 10th
April 2022 nū saya.



Mr. Moalong Walling, Süngratsü,
Yongkum Fellowship nung
Youth Evangelist mapa nungi
sodi agir. Pa M.Th. CTC Aolichen
nung azüngtsü. Pa aser par
kibong dang pelaba lemsateper.
Arogopur ajaki par kibong
asoshi maneni sarsademtsüdi.

● ● ● **DABA CHIR LAISHIR TAKÜM GRADUATE ASÜRTEM KAR** ● ● ●



IMTIKUMLA AIER
Duncan Fellowship | Süngratsü
Eastern Theological College, Jorhat.
Degree: BD; M.Th. Old Testament, Gurukul,
Chennai nung azüngtsü.



SENSOLONG LONGKUMER
Merali Fellowship | Mopungchuket
Union Biblical Seminary, Pune; Degree: BD
Laimen Arogo nung Youth Pastor inyaksü.



T. WATIJONGLA JAMIR
Yinsem Fellowship | Ungma
Eastern Theological College
Degree: M.th. New Testament.
Applied for teaching.



SENTINA IMTI LUMONG
Yinsem Fellowship | Yajang
Bishop's College, Kolkata
Degree: BD; maneni MTh (Christian Theology)
azüngtsü.



TEMSUTOLA
Sümedem Fellowship | Longsa
Clark Theological College,
Degree: B.D., Further Studies at Thomas Mar
Athanasius Institute of Counselling for Masters
in Counselling and Psychotherapy.



DELONG
Town Fellowship | Aliba
Clark Theological College,
Degree: B.D
Planning for further studies.



LIPOKALA
Yongküm Fellowship | Ungma
Clark Theological College, Mokokchung
Degree: BD; Further studies for CCM
(Centre for Children Ministries) at
Union Biblical Seminary, Pune.



**Christian Leaders Seminar ka Christian Forum
Dimapur ajanga 3rd May 2022, nū Bethesda
Assembly of God Church Dimapur nung liasü.
Iba sentong nung Rev. T. Ariba Imchen aser
Jongshimanen dena liasü.**

● ● ● BAPTISM PHOTOS ● ● ●



Taküm 4-9 April 2022, Bible Study agir külen lanurtem parnok ajak agi 390 (Tetsür: 203 aser tebur: 189), Yisu Khristaji Tsüngrem, Tekümzüker aser Kümtedakba ta agizüka tzü nung baptiogo. Arogoi parnok ajak pelaa agizüker. Asenok ajaki parnok asoshi teti sarasademtsüdi.